



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1714

Q. 126. Quid notandum circa causam dispensandi in Subdiaconatu,
propter periculum incontinentiæ.

urn:nbn:de:hbz:466:1-42682

tanta necessitate spirituali animarum. *Conf. 2.*
 nam Titius teneretur petere dispensationem, si
 ipse per votum castitatis esset in periculo salutis
 propter vim incontinentiæ, v. g. per malum
 habitum causatæ, ergo & nunc propter commu-
 ne periculum salutis alienæ tam manifestum.
Rz. ad 2. Superiorem utiliter & laudabiliter fa-
 cturum, si dispenset, nam si esset periculum so-
 lius Titii propter incontinentiam, laudabiliter
 & utiliter dispensaret, ergo multò magis nunc,
 ubi est necessitas communis. Addunt *Castrop. tr.*
3. d. 6. pu. 8. §. 2. n. 7. & Laym. l. 4. tr. 4. c. 8. n. 5.
 cum communi, convenire legislatori, ut omni-
 um necessitatibus subveniat, ergo multò magis,
 cum hic sit utilitas publica magna, urgensque
 necessitas spiritualis, argum. c. 1. De voto, *Sor. De*
just. q. 7. a. 3. Suar. De voto, c. 17. Sanchez. in conf.
l. 4. c. 45. Laym. supra, Castrop. n. 9. Rz. ad 3. Superiorem teneri hinc dispensare, ut colligitur par-
 tim ex hinc dictis *ad 1.* partim ex dictis *l. 3. p. 1. à*
n. 538. ubi dixi Superiorem aliquando teneri
 dispensare; & id etiam tenet *Sperell. decis. 111. à*
n. 5. Neque in tali circumstantia est periculum
 ullius scandali occasione talis dispensationis o-
 ritur, sed orietur potius ex denegatione, si nempe
 Ecclesia plaris faceret observationem unius
 voti particularis personæ, quam salutem æter-
 nam tot animarum sibi à Christo commissarum.

Q. 126. Quid notandum circa causam dispensandi 906.
in Subdiaconatu, propter periculum incontinentiæ. Rz.
§. 1. Huic malo frequenter occurri posset saltem
 antecedenter; nam vel factus est incontinens
 post susceptum Subdiaconatum, vel ante illum
 fuit incontinens. Si post, erit culpa ejus propter
 abun-

abundantiam cibi & potus, conversationes periculofas, inordinatam vitam &c. & per quas causas nata est incontinentia, per oppositas, si nimium inuenerata non fit, communiter potest corrigi, ac recuperari continentia, ad quod facere animo tentandum tenetur, licet subeunda fit non levis molestia & pugna contra carnem. Si ante Subdiaconatum fuerit incontinens, parentes plerumque habent culpam, qui ob fines humanos & bonum temporale familiarum hos vel illos è filiis destinant & metu reverentiali adducunt ad statum ecclesiasticum, parum solliciti, si ne hæc eorum vocatio necne; interim adulescentes non audent reluctari aut prætere, quod sæpe advertunt, periculum incontinentiæ, sed pergunt, uti sibi fingunt, bonâ fide, etiam tracti commoditate pinguis præbendæ, ac cogitantes Deum vel tempus de reliquo profurum: unde providè sapienterque faceret Ecclesia, si adulescentes, maximè Nobiles, non admitteret ad Subdiaconatum, nisi præviâ oculo duanâ recollectioe, in qua considerarent statum animæ suæ, inclinationes & habitus tum bonos tum malos, ac seriò perpenderent, ac coram Deo & in conscientia sua judicarent se in statu ecclesiastico facilius salvandos, quam in alio: ac ad eum finem certa media vitæ bene instituendæ sibi præfinirent: hæc recollectio ferviret etiam ad expianda peccata vitæ præteritæ, maximè cum jam cogitent statum novum inire, in quo peccata, quæ contra castitatem committuntur, habent distinctam speciem sacrilegii.

907. §. 2. Potest hæc causa esse justa, tum ut evitentur publica scandala alioqui probabiliter secutura, tum ut consulatur saluti hujus animæ alioqui

alioqui forsan contempturæ, si in profundum venerit, vel tandem agendæ in desperationem: hinc ad prudens arbitrium Superioris pertinet considerare circumstantias.

Q. 127. *Quomodo petenda Romæ dispensatio, § 908.*
quæ in supplica sit exprimendum. R. Præter illa, quæ ex *Busenb. retuli l. 1. n. 796.*, tumque etiam ibi addidi à n. 797. addenda sunt hæc seqq.

§. 1. Quando impedimentum est occultum, scribitur ad *S. Pœnitentiarum*, potestque scribi à quocunque & in quacunque lingua, neque hæc opus est ullis sumptibus: In supplica autem exponitur casus, circumstantiæ debitæ & causæ, item nomen illius, ad quem remitti debet Rescriptum, & civitas, ad quam debet dirigi, uti hæbet sequens instructio:

Instructio Parochorum, & Confessariorum pro casibus quorum absolutio, seu dispensatio à Sacra Pœnitentia Apostolica impetratur.

Cum sæpe sit experientia compertum, plurimos utriusque sexus Christi fideles, & precipuè in longinquis degentes, censurarum vinculis, votorum obligationibus, Matrimoniorum impedimentis, necnon irregularitatum, & casuum quoquo modo reservatorum ligaminibus astrictos ad Sanctam Sedem, ejusque Sacram Pœnitentiarum spectantibus irretitos, in illis lachrymosè persistere, & continuis conscientiæ agitationibus laboriosè perdurare, cuius mali causas ex similibus provenire innotuit.

Primò, eò quòd Parochi vel alii, ad quos hujusmodi Pœnitentes recurrere contingit, in Pagis aut locis ruralibus degunt, & viam modumque recurrenti ad præfatam Sacram Pœnitentiarum